

ত্রিপুরা সরকার  
তথ্য ও সংস্কৃতি অধিকার

\*\*\*\*\*

বিধানসভা সংবাদ

স-৫০৭৩  
আগরতলা, ৫ মার্চ, ২০২৪

**সরকারি কর্মচারি ও পেনশনারদের জন্য ৫ শতাংশ মহার্ঘ ভাতা ঘোষণা**

রাজ্যের সরকারি কর্মচারি ও পেনশনারদের আরও ৫ শতাংশ মহার্ঘ ভাতা দেওয়া হবে। ১ জানুয়ারি, ২০২৪ থেকে তা কার্যকর হবে। আজ বিধানসভা অধিবেশনের দ্বিতীয়ার্দেশ মুখ্যমন্ত্রী প্রফেসর (ডা.) মানিক সাহা একথা ঘোষণা করেন। বিধানসভায় মুখ্যমন্ত্রী জানান, ৫ শতাংশ মহার্ঘ ভাতা দিতে রাজ্য সরকারের বছরে অতিরিক্ত ৫০০ কোটি টাকা ব্যয় হবে। এতে ১ লক্ষ ৬ হাজার ৯৩২ জন কর্মচারি ও ৮২ হাজার পেনশনার উপকৃত হবেন।

আজ বিধানসভায় মুখ্যমন্ত্রী প্রফেসর (ডা.) মানিক সাহা একথা ঘোষণা করে বলেন, আমাদের সরকার ক্ষমতায় আসার পর ইতিপূর্বে ৩ কিস্তিতে ২০ শতাংশ মহার্ঘ ভাতা দিয়েছে। গত ১/০৩/২০২১ তারিখে ৩ শতাংশ, ১/০৭/২০২২ তারিখে ৫ শতাংশ এবং ১/১২/২০২২ তারিখে ১২ শতাংশ মহার্ঘ ভাতা ঘোষণা করা হয়েছিল। রাজ্য করোনা পরিস্থিতিতেও রাজ্য সরকার সরকারি কর্মচারি ও পেনশনারদের ৩ শতাংশ মহার্ঘ ভাতা দিয়েছে।

\*\*\*\*\*